



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 8. Concilium Legatos mittit ad Regiam.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A.C. 431.

§. VIII.

Concilium Legatos mittit ad Regiam.

Cons. Ephes.
p. 130.

Postquam Comes Joannes Ephesi mandata Imperatoris publica fecit, Concilium selegit octo Legatos, nempe Presbyterum Philippum, Papæ Legatum, & Episcopos septem, Arcadium ex Legatis Occidentis alterum, Juvenalem Jerusalemitanum, Flavianum ex Macedonia, Firmum ex Cappadocia, Theodotum Antycyranum, Acacium Melitinensem, & Euvoptium Ptolemaidenum. His mandata tradita, primo ne ullatenus cum Joanne Antiocheno, & Schismatico ejus Conciliabulo communicent; *Si vero Imperator, addunt Patres: cum iis communicare vos jubeat, non obedietis, nisi positis conditionibus, si Depositioni Nestorii subscripserint, si a Concilio exaratis sua manu litteris veniam petierint, quod Synodi nostræ Præfectos atroci injuria affecerint, si Doctrinam Nestorii anatheimatizaverint, si nobiscum operam junxerint, ut Sanctissimorum Archiepiscoporum Cyrilli, & Memnonis libertatem impetremus; tunc vobis licentiam facimus, ut iis vestram Communionem promittatis; sed ad nos prius scribite, sic enim communicatis consiliis pacem solidam cum iis inire poterimus. Præprimis vestram Communionem nolite promittere, nisi prius*

Con-

Concilio sui Præsides sint restituti. Sæculum V.
A. C. 431.

Cæterum scitote, si mandatorum istorum aliquod neglexeritis, sacrum Concilium ea, quæ gesseritis, non habiturum rata, nec vos ad Communionem admissurum. Berinianus Episcopus Per-

gensis primus signum apposuit, deinde cæteri Episcopi omnes. Concilium iisdem Legatis commentarios tradidit, ut Orientalium postulatis resisterent.

p. 784

Item ad Imperatorem Epistolam, qua præprimis Cyrilli, & Memnonis liberationem petunt, & ad suas Ecclesias redeundi facultatem. Credibile est, iisdem Legatis responsa deferenda tradi-

disse ad septem Episcopos, & ad S. Dalmatium, qui ad illos Constantinopoli scripserant; Concilium pro bono in se

Conc. Ephes.

p. 773.

affectu Gratias agit, hortaturque, ut Constantinopoli remaneant, & Orientium fraudes Imperatori notas faciant.

Tum dicunt: *Cum credamus, ea, quæ pridem ad vos perscripsimus, vobis nunquam reddita, illorum exempla jam mittimus, rogamus quoque, ut nos certiores faciatis, num libelli nostri Imperatori fuerint traditi, ut si non acceperit, saltem malas adversariorum nostrorum artes non nesciat.* In Epistola ad S. Dal-

Coll. Baluz.

p. 653.

matium, fatetur Concilium, ipsi soli debere, quod veritas usque ad aures Imperatoris pervenisset, & addunt: *Scimus,*

jam

Sæculum V. *jam antequam Nestorius Constantinopolim advenisset, Deum tibi revelasse, quod in corde gereret, teque dixisse ad omnes, qui tuam cellam adibant: Cavete vobis, fratres mei! mala Bestia in banc urbem delata est, quæ sua Doctrina plurimis hominibus nocebit.*

Orientalibus quoque sua ex parte octo Episcopos elegerunt delegandos; Joannem Antiochenum, Joannem Damascenum, Himerium Nicomediensem, Paulum Emesenum, tanquam Acacii Bereensis Vicarium, Macarium Laodicenum, Cyri Tyriensis Vicarium, Apringium Chalcidenum, Alexandri Apamiensis Vicarium, Theodoretum Cyrensem, Alexandri Hierapolitani Vicarium, & Heladium de Ptolemaide. Mandata his Legatis data amplissima, facerent omnia, sive coram Imperatore, seu in Consistorio, aut Senatu, aut in Concilio, quæcunque ipsis ad rem viderentur, promittunt, omnia se rata habituros, quæ egerint, & eorundem conventiones etiam Synodice signaturos. Una est exceptio contra S. Cyrilli capitula, quæ recipi prohibentur. Alexander Hierapolitanus cum eadem restrictione primus subscripsit, & deinde Dorotheus Marcianopolitanus. Præter hæc mandata, Legatis libellus, Imperatori tradendus, commissus, in quo, dissimulata Nestorii, alio

Conc. Ephes.
725.

Concilium
Ephesinum.

aliorumque Depositione, atque actis Con- Sæculum V.
cilio, magna se sollicitudine teneri ob A. C. 431.
Cyrilli articulos, dicunt, & Imperato-
rem, per quidquid Sanctum est, adjurant,
ut invigilet conservandæ fidei, cujus Ju-
dicem ipsum constituunt, & Adversariis
eorum præcipiat, ut, se præsentem, scri-
ptis hac super materia tractetur, nam af-
firmabant, quod quidem verum, in Ec-
clesia duas discrepantes Doctrinas tole-
rari non posse. De Juvenalis Jerosoly-
mitani molitionibus in Phœnicen, & A-
rabiam occupata occasione conquerun-
tur, & libertatem ad Ecclesias suas re-
meandi petunt, si quæstio fidei tunc de-
finiri non posset.

Legatis iter ingressis, ab Imperatore
mandatum advenit, quo Nestorius Ephe-
so discedere jubebatur, adjuncta facul-
tate, quocumque vellet, eundi. Petiit, ut
ad Monasterium S. Euprepîi prope Antio- *Evagr. 1. c. 7*
chiam, ubi adolescens educatus fuerat,
sibi liceret secedere, quod obtinuit, ei-
que vehiculum, & omnia itineranti non
necessaria modo, sed & commoda conces-
sa. Habemus Epistolam, a Præfecto *Baluz. Syno*
Prætorio Antiocho ad ipsum datam, & *c. 24. c. 25,*
Nestorii responsoriam, Gratias maximas
agentis, dicentisque, nil aliud magis si-
bi honori esse posse, quam Religionis cau-
sa exulare. Id solum rogabat, ut scri-
pta Cyrilli (nempe duodecim præcipue
Hist. Eccles. Tom. VI, *Q* *arti-*

Sæculum V. articuli) litteris, ab Imperatore datis,
 A C. 431. notentur, ne simplices animi decipian-
 tur. (*)

§. IX.

Legati Calcedone audiuntur.

Conc. Ephes.
p. 731.

Ubi utriusque partis Legati Calcedo-
 nem pervenerunt, ibi morari iusti
 sunt, nec his nec illis Constantinopolim
 ingredi licuit, ne excitaretur seditio. O-
 rientalibus, qui Calcedonem venerant,
 fama allapsa, Nestorium Epheso discede-
 re iustum; idque maxime affligebat,
 quod ipsius Depositionem viderent con-
 firmari. Hoc est, quod ad suæ factionis
 homines undecima mensis Macedoniani
Gorpice, id est, quarta Septembris, scri-
 bebant, rursusque eadem die se Impe-
 ratorem expectare, in ædes Rufini prope
 Calcedonem venturum, ut ibi partes
 audi-

(*) Hier wären Beyspiele, daß man den Kay-
 ser in Glaubensfragen zum Richter angenommen
 daß man Klagen wider den Bischof zu Jerusa-
 lem vor Ihm gebracht, welche nach den Grund-
 sätzen der Katholicken unter die weltliche Gerichts-
 barkeit nicht gehören, und daß man sich an Ihn
 gewendet, damit er durch Kayserliche Edict die
 Artikel des heil. Cyrillus verdammen sollte.
 Schade für diejenigen, welche eine Folge daraus
 ziehen wollten, daß dieses Abtrünnige, oder Her-
 ber gethan!